



N° 7868  
Entrée le 05.04.2023  
Chambre des Députés  
Déclarée recevable  
Président de la Chambre des Députés  
(s.) Fernand Etgen  
Luxembourg, le 05.04.2023

Fernand ETGEN  
President vun der  
Chamber vun den Deputéierten  
19, um Krautmaart  
L-1728 Lëtzebuerg

Lëtzebuerg, den 05/04/2023

Här President,

**Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un de Minister fir Bildung weiderzeleeden.**

Wéi een am *Reporter.lu*-Artikel "Family business im Bildungsministerium" konnt lesen, gouf et nawell eng Réi Ongereimtheete bei der Entwécklung vun der "E-Bichelchen" App. Esou steet de Verdacht vu Vetternwirtschaft am Raum.

An deem Zesammenhang wéilt ech dem Minister dës Froe stellen:

1. Am Artikel gëtt den Entwéckler vun der App, de Loris Wilwert un, dass d' "Konzeptausarbeitung der Web-App bereits im Vorfeld von einer anderen Firma durchgeführt [wurde]".  
Wéi eng aner Firma war dëst? Krut déi 2t Firma, déi eng Offer eraginn hat, och Zougang zu dësen Informatiounen?
2. Wéi ee Service hat d'initial Konzeptausarbeitung an Optrag ginn?
3. Wéi vill Geld ass un dës éischt Firma bezuelt ginn, fir hir Aarbecht?
4. Och am Artikel ze lesen ass:

*"Da die Abteilung von der Existenz von Apporix wusste, habe man anschließend Loris Wilwert gebeten, ein Angebot einzureichen, so das Ministerium gegenüber Reporter.lu."*

Ass et üblech, dass den Educationnsministère Firme freet, fir Offeren anzereechen? Wa jo, a wat fir Kontexter gëtt dëst gemaach an unhand vu wéi enge Krittäre gëtt entscheed, u wéi eng Firmen een eruntrëtt an u wéi eng net?

5. Wéini gouf d'Konzept fir d'E-Bichelchen initial opgestallt an duerch wien?
6. Ass den Terrain (Lycée- oder Grondschouldirektiounen) bei der Ausschaffung vum Konzept mat abezu ginn? Wa jo a wéi enger Form a wéi oft?
7. Weider ass am Artikel vu Report ze lesen:

*"Auf Vorschlag der Abteilung für Berufsausbildung des Ministeriums wurde Apporix für*



[www.piraten.lu](http://www.piraten.lu)



**Äntwert vum Minister fir Educatioun, Kanner a Jugend, Claude Meisch, op d'parlamentaresch Fro Nr. 7868 vum honorabelen Deputéierte Sven Clement**

Eng Rei vu Froe vum honorabelen Deputéierte betreffen d'Applikatioun **eduCarnet**. Am Joer 2019 huet de Service de la formation professionnelle (SFP) zesumme mat de Beruffskummeren decidéiert, e Cahier des charges auszeschaffen, fir de Carnet d'apprentissage ze digitaliséieren. D'Firma **WILDmotion** huet d'Konzept ausgeschafft, dëst am Optrag vum SFP fir e Budget vun 10.296 € TTC. Der Firma **WILDmotion** war et aus verschiddene firmen interne Grënn awer net méi méiglech dëse Projet weider ze entwéckelen. De CGIE huet dorophin missen innerhalb vun kuerzer Zäit en Développeur fannen, deen esouwuel zäitlech disponibel wier, wéi och de budgetären Kader kéint anhalen. Fir d'Entwécklung vun dem **eduCarnet** waren an der Gestiou vum Projet ronn 50.000 € virgesinn. De CGIE ass op eng Rei vu kommerziellen Acteuren zougaaen, déi awer uginn hunn, den zäitlechen a finanziellen Kader net kéinten anzehalen. Dem CGIE säi Choix ass finalement op d'Firma **Apporix** gefall, déi d'Entwécklung vun der App **eduCarnet** op Basis vum Cahier des charges iwwerholl huet fir e Budget vun 50.808 € HTVA.

Generell ass et esou, datt d'Softwareentwécklung vum Educatiounsministère der Kompetenz vum Centre de Gestion informatique de l'Éducation (CGIE) ënnerläit, deen dofir eng Division études et développements huet. Am Fall, wou keng intern Ressourcë vum CGIE disponibel sinn oder de CGIE keng IT-Kompetenzen an engem bestëmmten Domaine huet, ass et üblech, wann och seelen, datt op eng extern Firma zeréckgegraff gëtt; sou och bei der Entwécklung vum **eduCarnet**. D'Krittäre sinn heibäi de Präis, d'Kompetenz an d'Disponibilitéit, dëst am Respekt zum Marchés-publics-Gesetz.

Wat d'Entwécklung vum **e-Bichelchen** ubelaangt, esou gouf déi initial Konzeptaarbecht Mëtt Mee 2022 vum CGIE an d'Weeër geleet. Eng éischt Versioun vum Konzept vum **e-Bichelchen** gouf Mëtt Juni 2022 de Grondschool-Direktioun presentéiert. Dorophin gouf en Aarbechtsgrupp an d'Liewe geruff, deen de Projet bis haut regelméisseg begleet. Bis haut huet dësen Aarbechtsgrupp sech dräi mol getraff, weider Réuniounen si geplangt. An deem Grupp vertruede sinn d'DG Enseignement fondamental an d'DG Enfance, d'Direktioun vum EF, de CGIE, d'Gewerkschaft SNE an d'SEA-Strukturen.

Déi reng Entwécklungskäschte vum **e-Bichelchen** hu sech am Joer 2022 op 46.104 € HTVA. belaf. Am Joer 2023 si fir d'Phas vum Insourcing an der Begleedung vum Projet 46.560 € HTVA a Rechnung gestallt ginn. No dem Ofschluss vun dëser Iwwergangsphas ënnerhält den Educatiounsministère keng Relatiounen méi mat der uewe genannter Firma.

De Grond, firwat de CGIE-Direkter op de Wee vum Outsourcing gaangen ass, ass datt am CGIE keng intern Entwéckler iwwer d'Summervakanz disponibel waren. Dofir huet den Direkter d'urgence no enger Léisung gesicht, dëst eenzeg an eleng am Intérêt vum Ministère a vum Projet. Vu d'Disponibilitéit, d'Erfaarung an de kompetitive Präis, huet de CGIE-Direkter dësen Optrag un **Apporix** verginn, dëst am Aklang vum Marchés-publics-Gesetz. Weider huet de CGIE-Direkter hei zu kengem Moment en Interessekonflikt gesinn, well de Stellvertrieder vum CGIE-Direkter zu kengem Moment an den Entscheidungsprozess mat agebonne war.

Lëtzebuerg, de 16. Mee 2023

De Minister fir Educatioun,  
Kanner a Jugend

(s.) Claude MEISCH

die Erstellung einer Web-Applikation ausgedacht."

Wéi koom den Educatiounsministère dozou, d'Firma Apporix eng éischte Kéier z'engagéieren?

8. Wéi héisch war den Ënnerscheed tëscht der Offer vun *Apporix* an der 2ter Firma, déi net zréck behale ginn ass?
9. Wéi a wéini ass den Educatiounsministère déi éischte Kéier op *Apporix* oder op d'Persoun vun hirem Gérant Opmierksam ginn?
10. Wéi vill huet d'Entwécklung vum e-Bichelchen am Endeffekt kascht ?
11. Wéi vill huet d'Prozedur vum Insourcing, bei där de Gérant vun *Apporix* während 6 Méint als externe Mataarbechter beim CGIE agestellt gouf, de Staat kascht?
12. Weess de Minister méttlerweil, firwat de CGIE-Direktor säi Kabinet net iwwert d'Verbindung tëscht sengem Stellvertrieder an der Firma *Apporix* opgekläert huet? Wat fir Konsequenzen ergi sech heiraus?
13. Huet de Minister, nodeems en iwwert d'Prozedure beim E-Bichelchen informéiert ginn ass, Abléck an aner Opträg, déi de CGIE geréiert, gefrot? Wa jo a wéi eng?
14. Ënnerhält de Ministère aktuell nach Geschäfts- an/oder Aarbeschtsbezéihunge mam Gérant vun *Apporix* oder der Firma?
15. Hat en och aner Servicer vum Ministère Kontakt mam Gérant vun *Apporix*? Wa jo, a wéi engem Kontext?

Mat déiwem Respekt,



CLEMENT Sven  
Deputéierten

